

星
命
溯
源

卷一

卷二

卷三

卷四

星命潮漁

四庫全書珍本初集

子術

數

部類

總校官編修

臣王燕緒

校對官助教

臣黃昌提

膳錄監生

臣劉宗望

詳校官中書臣瞿照

靈臺郎臣倪廷梅覆勘

商務印書館受教育
部中央圖書館籌備
處委託景印故實博
物院所藏之新開本

欽定四庫全書

子部七

星命溯源

術數類五

命書相書之屬

提要

臣等謹案星命溯源五卷不著編輯者名氏
第一卷為通元遺書雜錄唐張果之說凡三
篇第二卷為果愷問答稱明李愷遇張果所
口授凡四篇第三卷為元妙經解稱張果撰
元鄭希誠註第四卷為觀星要訣第五卷為

觀星心傳口訣補遺均不云誰作詳其題詞
似要訣為鄭希誠編補遺又術士掇拾增希
誠所未備也考明皇雜錄載果多神怪之迹
不言其知祿命獨是編以五星推命之學依
托于果術者遂以果老五星自名一家考韓
愈作李虛中墓誌稱其推命尚止用年月日
不用時則開元天寶之間且無八字似不應
有五星然王充論衡稱天施氣而衆星布精

天所施氣而衆星之氣在其中矣人稟氣而
生含氣而長得貴則貴得賤則賤貴或祿有
高下富或貲有多少皆星位尊卑大小之所
授也是漢末已以星位言祿命又韓愈三星
行云我生之辰月宿南斗牛奮其角箕張其
口杜牧自作墓誌銘曰余生于角星昴畢于
角為第八宮曰病厄宮亦曰八殺宮土星在
焉火星繼木星王楊睇曰木在張于角為第

十一福德宮水為福德大君子救其旁無虞也余曰自湖守不週歲遷舍人水還福于角足矣土火還死于角宜哉是唐時實以五星宮度推休咎其托名于果亦有所因爾希誠自署其官曰主簿其籍曰瑞安其號曰滄洲始末未詳愷自稱中都人其遇果在嘉靖二年九月尤怪妄不足辨總之術家務神其說而已然世所傳五星之書以此為鼻祖別有

所謂果老星宗者蓋因此本而廣之其後又
有天官五星術與此頗異據理而論化氣當
從天官正氣當從果老二家之術可互參其
論星度乘除生尅及兼取值年神煞亦未可
盡廢也乾隆四十六年十二月恭校上

總纂官臣紀昀陸錫熊臣孫士毅

總校官臣陸費墀

欽定四庫全書

星命溯源卷一

通玄遺書

先生姓張名果生堯之丙丁至唐猶存玄宗召試其術神之恩賜號通玄先生

五星論

太上洪荒之世清濁未分混沌如卵精神盛極著而成形則有人矣兩儀四象三才五行備不知體生不知用

且陰陽得位風雷鼓舞化生萬物邇莫能知逮夫聖人之
生辯龍馬之圖而立極因神龜之文以用事始知五星光
燦羣曜熒輝遂別辰宿於乾坤配人身於天地灾祥休咎
因是言之夫人之生育於乾坤覆載於坎離大無不周小
無不具天干生而氣聚崇勲地支成而元居歲駕故將宮
命以定三元審元辰而言九事生煞作吉凶之根向背為
貴賤之本先看明暗升沉順逆衰旺掩蝕衝制失次入垣
次看朝拱夾輔分會引從漏截守岐方以格局考評貴

賤夫陰陽拱夾得地是豈凡夫如逢經緯驛馬相扶更
會斗貴印符侍從必獲萬鍾之祿八位之權失位失時
亦作空門高貴客俗緣不斷決作見紫見緋人福祿夾
身三元總會無傷無耗不是貧才食祿相隨田財俱旺
富可言其無比田可連於阡陌若值四耗侵凌八虛空
陷必主破祖忘家尤忌傷財劫盜奔忙勞碌沒齒貧窮
計羅乃首尾之星作攔截之用中分五五可分日東月
西前後三三更取魁元引從己亥為乾坤定位平分諸

曜拱天庭寅申乃陰陽兩關包裹衆星朝帝闕辰戌丑
未號曰首尾橫天子午卯酉名曰陰陽居正位例置能分輕
重制向又怕失躔身命得地福祿難量左右有情功名
莫比要知火羅計字禍福難言守四維占四正者始發權
則如雷電終害已利若鋒芒此類惟宜獨行怕相混雜
順之乃吉逆之為凶日月體君后之象要升入于坎離
之中朝子午暮卯酉看垣殿之正偏分兩班朝帝闕辨
陰陽之向背晝生日而金水輔從夜誕月而火羅侍衛

合此格者鳳陞高遷龍墀蚤入至若五曜連珠二星合
璧載天覆地出乾入坤文武兩班君臣慶會是皆梁棟
之材廟堂之器守一空一居三隅三太乙抱蟾于酉未
計都朝斗於丑牛斯乃文朝秀士鐘鼎奇英水星伴月
向未巳為朝主背君計羅火孛聚丑亥乃朝天拱斗此
宿本作凶神面尊反為上客切見天地清寧日月麗正
羣星朝北衆曜拱南順必異貌奇人逆則窮途儒士面
南坐北南人必貴北人富面北坐南南人必富北人貴是

乃風土厚薄之相宜地勢使之必然也復有天地開明
山澤通氣水火既濟風雷鼓舞此則名為虛拱不可更
漏別宮須要日月分階亦宜計羅橫截方為上格如是
乾坤否塞風雷相薄水火相射山澤沉埋此人飄風無
倚破蕩田產貴無傷富無耗世代敷榮身主弱命主羸始
終偃蹇星逢格局便論垣窠更不拘其神煞星專時令
須分體用方可斷其榮枯星健身強官而富富而壽格
高星困苗不秀秀不實是乃星躔失度若斯當問人生

分野而通之更詳正關闔拱闕拱有官祿而無用宮乃
藏其刃雄或刑囚而不妨殺不加于二主蓋吉曜失時
吉而不吉凶星得地凶莫能凶身命官福最喜三元左
經右緯須防斗柄若引從吉則內貴乎空持挈凶則外
喜乎善俾夾者吉而拱者凶主多榮而少辱拱者善而
夾者凶合一成而一敗蓋一曜司權滿用得拱為先羣
星守照多端合格為上前後朱雀玄武而驛馬來扶左
右青龍白虎而經緯夾拱四神來往環衛命主三方七政